



Broj: 16-12-16-2291- *9* /24
Istočno Sarajevo, *18-04*.2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), člana 7. stav (5) Pravilnika o uslovima i načinu korištenja e-aukcije („Službeni glasnik BiH”, broj 80/23) i Izvještaja o toku i završetku e-aukcije od 15.04.2024. godine, na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-2291/24 od 17.04.2024. godine, u postupku javne nabavke ljetnih auto guma za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
ljetnih auto guma za potrebe Državne agencije za istrage i zaštitu

Član 1.

U postupku javne nabavke ljetnih auto guma za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2024. godini broj 16-12-16-2291/24 od 17.04.2024. godine, okvirni sporazum na period od dvije godine, dodjeljuje se ponuđaču „TOTAL TRADE” d.o.o. Doboj, ponuda broj 16-12-16-2291-5/24 od 25.03.2024. godine za ponuđenu cijenu od 17.000,00 KM bez uračunatog PDV-a, umanjenu prema rezultatima e-aukcije.

Član 2.

(1) Ponuđač „TOTAL TRADE” d.o.o. Doboj obavezan je ugovornom organu dostaviti dokaze o ispunjavanju uslova iz tač. 3.1.1. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-2291-1/24 od 07.03.2024. godine pokrenut je postupak javne nabavke ljetnih auto guma za potrebe Agencije procijenjene vrijednosti od 24.500,00 KM bez uračunatog PDV-a. Predmet javne nabavke je sukcesivna nabavka ljetnih auto guma za motorna vozila Agencije, a prema priloženoj tehničkoj specifikaciji koja čini sastavni dio Konkurentskog zahtjeva. Novčana sredstva za predmetnu nabavku su obezbijedena u okviru budžetskih sredstava za 2024. godinu, a na osnovu Instrukcije o privremenom finansiranju institucija Bosne i Hercegovine za period januar-mart 2024. godine, broj 05-16-2-9002-1/23 od 28.12.2023. godine i Dokumenta okvirnog budžeta 2024.-2026. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 80/23) (u daljem tekstu: Pravilnik), sa namjerom zaključivanja okvirnog sporazuma sa jednim ponuđačem.

Obzirom da je tačkom 6. (6.1) Konkurentskog zahtjeva navedeno da je rok za dostavljanje ponuda 25.03.2024. godine do 13:00 sati, te da se ponude dostavljaju u zatvorenoj koverti, Komisija je dana 25.03.2024. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle tri ponude na Pisarnicu Agencije. Na javnom otvaranju ponuda nije bilo prisutnih predstavnika ponuđača.

Blagovremeno su dostavljene tri ponude i to:

R.br.	Broj protokola	Naziv ponuđača	Datum i sat prijema ponuda
1.	16-12-16-2291-4/24	„UNITRADE” d.o.o. Ljubuški	22.03.2024.g. u 11:00 h
2.	16-12-16-2291-5/24	„TOTAL TRADE” d.o.o. Doboj	25.03.2024.g. u 09:10 h
3.	16-12-16-2291-6/24	„GUMA VP 200” d.o.o. Mostar	25.03.2024.g. u 09:55 h

R.br.	Naziv ponuđača	Ponuđena cijena u KM (bez PDV-a)
1.	„UNITRADE” d.o.o. Ljubuški	20.752,34
2.	„TOTAL TRADE” d.o.o. Doboj	24.499,20
3.	„GUMA VP 200” d.o.o. Mostar	24.446,68

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Dalje, Tačkom 3.1.4. Konkurentskog zahtjeva a u skladu sa članom 49. ZJN, da bi učestvovao u konkretnom postupku javne nabavke, ponuđač mora zadovoljiti uslov tehničke i profesionalne sposobnosti i dostaviti sljedeća dokumenta:

a) na osnovu uzoraka, opisa i fotografija roba koje će biti predmet isporuke, a čiju vjerodostojnost je ponuđač obavezan potvrditi.

Dokaz:

a) katalog, fotografije ljetnih auto guma ili link sa web stranice.

„Dostavljeni dokaz (katalog, fotografije) na kojima se vide tehničke karakteristike ponuđenih auto guma mora biti dostavljen na jednom od službenih jezika u Bosni i Hercegovini. Ukoliko je katalog, fotografije auto guma sa tehničkim karakteristikama dostavljen na jednom od stranih jezika, isti mora biti preveden i ovjeren pečatom od strane stalnog sudskog tumača u Bosni i Hercegovini. Ukoliko kao dokaz ponuđač dostavlja link sa web stranice, isti se dostavlja na aktu potpisanom i ovjerenom od strane odgovornog lica ponuđača, na kome treba navesti link na kome se mogu vidjeti tehničke karakteristike ponuđenih guma (dimenzije, indeksi nosivosti, brzine, potrošnje goriva, kočenja na klizavom i maksimalne vanjske buke). Budući da su web stranice uglavnom na nekom od stranih jezika, Agencija će prihvatiti i takav link, s tim da se na istom precizno mogu vidjeti tehničke karakteristike ponuđenih ljetnih auto guma”.

S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-2291/24 od 26.03.2024. godine obratila Sektoru za materijalno-finansijske poslove Agencije (u daljem tekstu: MAT-FIN), tražeći uvid u dostavljene ponude, odnosno uvid u dostavljene kataloge (fotografije, link sa web stranice) ponuđene robe, te stručno mišljenje u pogledu ocjene tehničkih karakteristika ponuđenih ljetnih auto guma, odnosno, da li ponuđene ljetne auto gume, na osnovu naprijed navedenog, odgovaraju traženim uslovima (index nosivosti, index brzine, potrošnja goriva, kočenje na klizavom, vanjska buka u dB) iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica MAT-FIN-a broj 16-12-16-2291/24 od 27.03.2024. godine, sa obrazloženjem da je prilikom uvida u dostavljene ponude naprijed imenovanih ponuđača, na način kako je to naprijed traženo, konstatovano da iste u potpunosti ispunjavaju tražene uslove postavljene Konkurentskim zahtjevom.

Uvidom u sadržaj dostavljenih ponuda, a cijeneći mišljenje stručnih lica MAT-FIN-a Agencije, Komisija je utvrdila da ponuđači „UNITRADE” d.o.o. Ljubuški, „TOTAL TRADE” d.o.o. Doboj i „GUMA VP 200” d.o.o. Mostar ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove postavljene u Konkurentskom zahtjevu.

Za postupak javne nabavke ljetnih auto guma za potrebe Agencije, tačkom 8. (8.2.) Konkurentskog zahtjeva predviđeno je provođenje e-aukcije u skladu sa odredbama Pravilnika. Imajući u vidu da su za predmetni postupak nabavke na pisarnicu Agencije zaprimljene tri ponuda, od kojih su sve tri prihvatljive („UNITRADE” d.o.o. Ljubuški, „GUMA VP 200” d.o.o. Mostar i „TOTAL TRADE” d.o.o. Doboj), Komisija za predmetni postupak nabavke zakazala e-aukciju za dan 15.04.2024. godine sa početkom u 10:00^h, u trajanju od 20 minuta.

Prema Izvještaju o toku i završetku e-aukcije od 15.04.2024. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak nabavke, kako slijedi:

R.br.	Naziv ponuđača	Vrijednost ponude u KM (bez PDV-a)	Rang
1.	„TOTAL TRADE” d.o.o. Doboj	17.000,00	1
2.	„GUMA VP 200” d.o.o. Mostar	17.500,00	2
3.	„UNITRADE” d.o.o. Ljubuški	20.752,34	3

Nakon pregledanja dokumentacije priložene uz dostavljene ponude, shodno Izvještaju o toku i završetku e-aukcije od 15.04.2024. godine, Komisija je utvrdila da je za predmetni postupak nabavke bilo snižavanja cijene ponuda kao kriterija za dodijelu ugovora, u skladu sa članom 10. Pravilnika. Takođe, Komisija je u skladu sa članom 65. st. (1) i (2) ZJN ocijenila ponude kvalifikovanih ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjenih ponuda, kako slijedi:

R.br.	Naziv ponuđača	Vrijednost ponude u KM (bez PDV-a)	Rang
1.	„TOTAL TRADE” d.o.o. Doboj	17.000,00	1
2.	„GUMA VP 200” d.o.o. Mostar	17.500,00	2
3.	„UNITRADE” d.o.o. Ljubuški	20.752,34	3

Nakon provedenog postupka ocjenjivanja dostavljenih ponuda, shodno Izvještaju o toku i završetku e-aukcije od 15.04.2024. godine, Komisija je utvrdila da je ponuda ponuđača „TOTAL TRADE” d.o.o. Doboj ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke ljetnih auto guma za potrebe Agencije.


Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se u predmetnom postupku nabavke okvirni sporzum na period od dvije godine dodijeli ponuđaču „TOTAL TRADE” d.o.o. Doboj, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima (3x);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE


Darko Čulum